



Inatsisartut ilaasortaat
Mariane Paviasen
/Maani

§ 37 naapertorlugu atorfillit pillugit apeqqut nr. 108-mut akissut

Brevdato: 07-07-2023
Sagsnr. 2023 - 17590
Akt id. 23146096

Maanna § 37 naapertorlugu apeqqummut akissut nassiunneqarpoq.

P. O. Box 1037
3900 Nuuk

Tel. (+299) 34 50 00
Fax (+299) 34 63 50

E-mail: oed@nanoq.gl
www.naalakkersuisut.gl

1. Tjenestemand-it soraarnerusutisiaat Dansk it nunaanni tjenestemand-it aningaasat soraarnerusutisiaanniit koruuninngorligot qanoq annertugisumik nikinggassuteqarpat?

Atorfillit katillugit soraarnerussutisiaasa naatsorsorneqarneri pissutsit ataasiakkaani pisarput.

Taamaammat Kalaallit Nunaanni atorfillit aamma Danmarkimi atorfillit katillugit soraarnerussutisiaasai sanilliussinnaanngorlugit naatsorsorneqarsinnaanngillat.

Uku inuup ataatsip soraarnerussutisiaata naatsorsorneqarnerani apeqqutaasarput:

- Sulisimanerup sivissusaa
- Soraarninngornermi skalatrinnip qaffasissusaa
- Atorfiniffik.

Tamatuma saniatigut isertitat assigiinngitsut atorfillit soraarnerussutisiaannut tapertaasinnaapput. Taakkunungalugu tunngatillugu tamanut atuuttunik akissarsianut qaffasissusertaqanngilaq. Assersuutigalugu Danmarkimi aamma Kalaallit Nunaanni utoqqalineriutininik aamma soraarnerussutisiaanik tunniussisarnermut aamma naatsorsuineriut malittarisassat assigiinngillat, tamatumalu saniatigut assigiinngitsunik ikiorsiissutitaqarpoq taakkulu ataasiakkaat isertitaannut sunniuteqartarput.

2. Naalakkersuisut piumassuseqarpat Dansk it Nunaanni tjenestemand-it soraarnerusutisiaat Kalallit Nunaanni tjenestemand-it soraarnerusutisiaannut aningaasatigut annertussusaannik naleqqussaasallutik?

Ataani akissuteqaammi naatsorsuutaavoq, apeqqut atorfillit soraarnerussutisiaannut, tamatumalu naatsorsorneqarneranut, kisimi tunngassasoq.

Kalaallit Nunaanni aamma Danmarkimi atorfillit soraarnerussutisiaannik naleqqussaasoqassappat, ataasiakkaat akissarsiaasa qaffasissusaannik naleqqussaasoqartariaqassaaq. Tamanna isumaqarpoq Kalaallit Nunaanni atorfillit akissarsiai maanna Danmarkimi akissarsiaattut annertutigilertussaasariaqartut, kiisalu Danmarkimi akissarsiat qaffakkaangata Kalaallit Nunaanni akissarsiat aamma qaffaqqartariaqartassapput. Tamanna isumaqarpoq, nammineq suliffeqarfeqarfitta peqataasui ilaatigut isumaqatiginninniarsinnaanerit atorunnaassasoq Namminersorlutillu Oqartussat akit suliffeqarfeqarfiillu ineriartorneri Kalaallit Nunaata avataaniittut tunngavigisariaqassallugit. Tamatuma saniatigut atorfillit akissarsiai isumaqatigiissutit naapertorlugit atorfillit akissarsiaannut attuumapput, taamaammallu pisortani atorfillit katillugit akissarsiai qaffassasut naatsorsuutigineqarsinnaalluni.

Akissarsiat taamatut qaffanneri namminersorlutik akissarsiaannut nanertuititsisinnaapput. Ataatsimut isigalugu, Kalaallit Nunaata avataani pissutsit naapertorlugit akissarsianik qaffaanerit, ataatsimut inuiaqatigiit aningaasaqarnerannut ajortumik kinguneqarsinnaapput.

Erseqqissarneqassaaq aamma, atorfillit akissarsiai illuatungeriit naligiit akornanni isumaqatigiissutiginiarneqartarmata. Taamaammat naatsorsuutigineqartariaqarpoq, Naalakkersuisut illuatungersiortumik atorfillit akissarsiaannik isumaqatiginninniartalerpata, ataatsimut isumaqatiginninniarnermi aqqissuussamut ajortumik kinguneqassasoq.

Taamaammat Naalakkersuisut taamaattumik suliniutiliornissamut pilersaaruteqanngillat.

3. Nalimmassaanniartoqarsimappat qaqugu tamanna pissasoq naatsorsuutigineqarsinnaava?

A) Nalimmassaasoqarnianngippat suna pissutigalugu nalimmassaasoqarnianngila?

Apeqquut 2-p akissutaa innersuutigineqarpoq.

4. Naalakkersuisut pisamut tunngasumik allanik paasissutissaateqarpat?

Naalakkersuisut politikikkut aamma peqataasut attuumassuteqartunit Kalaallit Nunaata aamma Danmarkip akornanni soraarnerussutisiassat sammineqarnerat maluginiarpaat. Tamatumunnga atatillugu sammisamut Naalakkersuisunit qanga akissutaareersut aamma nalunaarutaareersut innersuutigineqarput¹. Naalakkersuisut nunatsinni utoqqaat atugarissaarnissaat pingaartippaat. Taamaammat ukiut kingusinnerusuni soraarnerussutisianut pissutsit arlalitsigut pitsanngorsarneqarput aamma utoqqarnut periutsit arlallit atulersinneqarlutik. Naalakkersuisulli Kalaallit Nunaata aningaasaqarnera aamma atugarissaarnera imaluunniit atuisunut akeqarnera nunat avannarlerniittutut pitsaatiginngitsoq nassuerutigisariaqarpaat. Tamanna innuttaasutta ikinnerani, suliffeqarfeqarfitta annikitsuunerani aamma pisortat aningaasaqarnerat annermik aalisarnermiinnerani kiisalu Danmarkimit tapiissuteqarnerani tunngaveqarpoq. Naalakkersuisut pisortat aningaasaqarnerannik aamma kinguaariit tulliuttut aningaasaqarnerannik pitsanngorsaasussanik akileraartarnermi aqqissuussinermik aamma attassinissamik siuariartornissamullu pilersaaruserlutik ingerlapput.

Inussiarnersumik inuulluaqqusillunga

Naaja H. Nathanielsen
Naaja H. Nathanielsen

¹ Assersuutigalugu § 37 naapertorlugu apeqquut 2015-242-mut akissut takuuk.